

PROBLEMATATA
PATHO-
LOGICA,

*Solemniter ad disputandum in inclyta Argen-
toratensium Universitate proposita*


à

MELCHIORE SEBIZIO,
DOCTORE ET PROFESSORE ME-
DICINÆ ORDINARIO, COMITE
Palatino Cæsareo, & Reipubl.
Archiatro:

Respondente

IOHANNES ULRICO WIDHOLZ,
AUGUSTANO.

Die Mensis Februarij.



ARGENTORATI,
Typis EBERHARDI WELPERI.

M. DC. XLIX.

WILLIAMSON

OHIO LEGISLATURE

House of Representatives
January 18, 1892

REPORT
OF THE
COMMISSIONER OF
THE
LAND OFFICE
FOR THE YEAR
1891

CHAS. F. BRADLEY
AND
JOHN W. HARRIS
EDITORS

COLUMBUS, OHIO



WILLIAMSON
AND
SON

PRINTED BY

PROBLEMA

I.

Quo modo & ratione Galenus summa morborum genera investigârit?



*N*on cognosci potest partim ex libello Galeni de morborum differentiis, partim verò ex libro 1. & 2. de methodo medendi.

Methodus Galeni summa morborum genera investigandi est ista. Ait, ea indagari non posse, nisi prius cognitum sit, quid sit morbus. Hoc autem cognosci non posse, nisi prius exploratum habeatur, quid sit sanitas. Nam si ignoras, quid sit τὸ κατὰ φύσιν, etiam ignoras, quid sit τὸ παρὰ φύσιν. Ut verò sciatur, quid sit sanitas, principium desumendum esse ex communi omnium hominum confessione.

At omnes in universum dicunt, se valere sanosq; esse, quando partes corporis sui actiones edunt inculpate. Aegrotare autem se asseverant, cum partes actiones sibi à natura demandatas vel male, vel nullo modo obeunt. Erit igitur sanitas vel actio ipsa, vel διάθεσις, ἢ κατὰσκευὴ, dispositio, sive constitutio partium naturalis, unde actio procedit. Morbus contra, vel dispositio & constitutio partium præter naturam erit, à qua actio leditur: vel ipsamet actionis lesio.

Cum enim sanitas & morbus sint contraria: contraria autem in eodem genere contineantur, & sub illo etiam plurimum inter se distent, necesse est, ut quo in genere est sanitas, in eodem quoque morbus existat.

Atqui sanitas non est ipsa actio partium: quoniam genus semper inest suæ speciei. Actio autem non semper inest sanitati:

A

quia

quia sani sunt plurimi, qui multas actiones, naturales & animales, quandoque intermittunt. Ergo neque morbus ipsa erit actionum lesio.

Cum verò sanitas illa sit naturalis partium constitutio, a qua actiones dependent, sequitur, morbum esse constitutionem præter naturam, quæ actiones partium lædit.

Quot igitur cause sunt actiones secundum naturam producentes, tot etiam sunt cause easdem offendentes. At tres sunt cause actiones secundum naturam producentes: εὐπασία in partibus similaribus, bona compositio in dissimilaribus, & in utrisque unio, sive continuïtas. Ergo tres quoque sunt cause easdem offendentes: & proinde tria summa morborum genera. I. in similiaribus, νοσῶντος δυσπασία, morbosa intemperies: quæ sub se varias habet species, variasque specierum differentias. II. mala compositio in dissimilaribus: quæ similiter multas sub se species complectitur. III. Unio, sive continuïtas ^{solita} in utrisque, quæ itidem sub se aliquot species continet.

II.

Quæ sint species morbosæ intemperiei, & singularum specierum differentiæ?

Hoc Galenus multis in locis docuit: cum primis verò libro de differ. morbor. & in methodo medendi: & quidem præcipuè libro 7. 8. 9. 10. & 11. Est quippe intemperies ista vel simplex, vel composita. Simplex iterum quadruplex: calida, frigida, humida & sicca. Composita itidem quadruplex: calida & sicca: calida & humida: frigida & sicca: frigida & humida. Utraque rursus aut materialis, quæ conjuncta est cum aliquo humore: aut immaterialis, quæ solitaria est, & nullum sibi adjunctum humorem habet.

Differentiæ verò sunt sequentes. Intemperies ista primum vel universales sunt, vel particulares. Illæ totum corpus, aut maximam illius partem occupant. Hæ unam duntaxat aliquam particulam affligunt.

II. Intemperies vel sunt ἐξίκαυ, quæ ita partibus infixæ sunt, ut facile elui nequeant: vel σκελίκαυ, quæ recens impressæ sunt, ac propterea facile cedunt.

III. Intemperies vel æquales sunt, quando omnes corporis particula æquabiliter ad aliquam intemperiem, simplicem, aut compositam, sunt versæ: vel inæquales, ubi non omnes corporis partes æquabiliter ad aliquam intemperiem sunt perductæ.

III.

Quæ sint species malæ compositionis, vel, ut loquuntur, morbi organici & officialis?

Illarum sunt quinque. I. est mala conformatio: quæ consistit primùm in vitiata figura, quæ varia est: ut si partes, quæ natura deberent esse rectæ, curventur, quemadmodum in valgus, & vatis accidit. Adhuc si curvæ erigantur, si rotundæ reddantur quadratæ, si distorqueantur, aut quocunque modo legitima earum figura depravetur.

Deinde in cavitatibus & meatibus, quod vitium similiter multiplex est: cum scilicet, cavitates sunt obstructæ, adstrictæ, compressæ, angustiores redditæ, amplificatæ, plures, paucioresve factæ.

Tertiò in asperitate & lævitate, quando partes sunt læves, quas decet esse asperas: & contrà, asperæ sunt, quæ læves esse tenentur.

II. Est vitium in numero: idque geminum: unum in excessu, alterum in defectu. In excessu, quando plures partes ad sunt, quàm adesse deberent: ut tertius testiculus, sextus digitus, duæ papillæ in una mamma: & mamma quatuor: quas in femina quadam Cabrolus vidit, ^{omnes} ambas lac fundentes. In defectu, cum sunt pauciores: ut fieri solet post detruncationem aurium, amputationem brachij, aut pedis.

III. Magnitudo illegitima: eaque perinde, ut vitium in numero, duplex: altera in excessu, cum vel corpus totum, vel

pars aliqua supra modum excrevit: altera in defectu, quando diminutio totius, aut partis alicujus facta: & quidem vel statim à primo ortu, vel post ortum, à causa aliqua externa, aut interna.

IV. Non naturalis partium situs: qui fit, cum partes suo minimè stant loco, sed à suis sedibus recesserunt: ut videre est in luxationibus, & hernijs intestinorum atque omenti.

V. Conjunctio aut disiunctio partium incongrua: quando nimirum partes coherent, quæ disiunctæ esse debebant: uti fit in coalitu digitorum manuum & pedum, ani, & genitalium membrorum. Vel cum disiunctæ sunt, quas connexas esse decebat: quemadmodum contingit in labijs leporinis.

Atque hi simplices sunt organicarum partium morbi. Compositorum forma sunt variæ. Vel enim organici morbi cum organicis: vel organici cum similaribus: vel organici cum communibus: vel uno eodemque tempore organici cum similaribus & communibus componuntur.

IV.

Quæ sint species Continui solutionis?

V*ariæ similiter, ut intemperiei & malæ compositionis: & pro diversitate partium diversa quoque sunt sortita nomina: quemadmodum ex lib. de morb. caus. c. 11. l. 6. meth. med. c. 1. l. de constit. art. c. 6. & comm. 2. in l. Hipp. de artic. §. 48. colligitur. Nam in ossibus appellatur continui solutio κατάγμα, fractura, & τερηδών, caries. In carnosis partibus ἑλκῶς, ulcus, si quidem continuitatis solutio facta sit à re erodente, vel externa, vel interna: τραῦμα item, vulnus quando à re secante, perforante, rumpente, aut contundente inflicta. In carnosis musculorum portionibus ex distentione ῥήγμα, ruptio, seu ruptura. In nervosis, cum fibrae similiter tense rumpuntur, σπάσμα, convulsio cū ruptione. In mollibus ῥύγμα ἢ ῥύσις, punctura & punctio, quæ orta à re vulnerante, quæ tenuis atque acuta. In carnosis parti-*

partibus, & ossibus mollibus, qualia puerorum sunt, θλάσις & θλάσις, collisio & contusio, quæ à re gravi duraque inducta. In iisdem, cum cavitas aliqua derelicta, ἐνθλάσις, illisio. In ligamentis διασπασμὸς & διάσπασμα, divulsio. In organicis partibus ἀπόσπασμα, avulsio, quando partes similes, quæ in organicis prius coherebant, à se invicem sejunguntur, distractis divulsisque ligamentis, quæ eas conjungebant. Est enim ἀπόσπασμα separatio coalitus partium diversi generis. In ossibus cranij novem species ab authoribus recensentur.

I. est Ρωγμή, fissura, sive rima, orta à re contundente, quæ dura, gravis & obtusa, quæ vel in cranium illapsa est, aut impulsæ: vel cranium ipsum ad illam est allisum, sic tamen, ut fracti ossis partes divisæ figuram & situm servant naturalem. Estque fissura vel lata, quæ evidens est & manifesta: vel angusta valdè, ideòque admodum obscura, ut neque ad visum, neque ad tactum, neque ad scalprum sese prodât, τρίχωσις, & τριχίασις, capillatio nuncupata. Deinde alia superficiaria, quæ primam duntaxat superioremq; cranij laminam penetrat: alia admodum profunda, quæ usque ad duram matrem pertingit, ambasq; cranij tabulas pervadit. Adhæc longa vel brevis. Item recta, obliqua, transversa, flexuosa.

II. Ἀπήχημα, refonitus, sive contrafissura: in qua pars cranij non quæ ictum excepit, sed quæ ipsi opposita, finditur. Altera igitur ictu petitur: altera verò, quæ illi è diametro respondet, frangitur. Hanc fracturam cranij Paulus pro figmento habet: Celsus verò realem esse statuit: eamque Nicol. Florentinus, testis oculatus, confirmat.

III. Hippocrati Φλάσις est, Galeno θλάσις & θλάσµα, contusio, sive collisio. Perit in illa figura & situs ossis læsi, non, ut in ρωγμῇ, manet. Non est, inquit Paulus, propriè loquendo fractura, sed cranij ad interna compulsio, cavitatem solum citra continui solutionem exhibens, ut videre licet in vasis stanneis, plumbeis, & aneis, si foris contundantur. Adeò quandoque

A 3

profundum

profunda est, ut utramque cranij laminam ad duram usque matrem adigat, eamque deprimat. Interdum levior est, qua tabula solum cranij exterior colliditur. Contingit hac species pueris maxime: eò quòd os, quod contunditur, in sese cogatur. Non potest autem in se cogi, quod perfectè durum est, ut adultorum. Potest autem, quod propter mollitiem flexibile, sicut puerorum.

IV. Ἐκπίεσμα, effractura, in qua os ictum in multa fragmenta, schidia, atque testulas dividitur: hoc nomine à θλάσει discrepans, in qua, uti dictum, os manet integrum, & introrsum tantum compellitur, ut foris appareat cavum.

V. Ἐγγείσωμα, sive ἐκγείσωμα, suggrundatio. In hac os ictum in medio est depressum, ut etiam subjectam meningem crassam premat: circumcircà verò elevatum, ut foris sit cavum, intus convexum, instar suggrundarum, quæ partes tectorum sunt prominentes, quib. pluvia & stillicidia à parietibus arcentur.

VI. Καμάρωσις, sive καμάρωμα, concametatio, seu testudinato: quæ ἐγγείσωμα contraria videtur. Vt enim in illo pars media ossis icti descendit ad meningas: ora verò elevantur, ut os foris sit cavum, intus convexum: sic in καμάρωσει media ossis portio elevatur atque attollitur, in modum fornicis, sive testudinis: extremitates autem ad meningas deprimuntur.

VII. Ἑδρα, sedes, quæ ejusmodi cranij fractura est, in qua ledentis instrumenti vestigium remanet. Estque superficialia, vel profunda: longa vel brevis: ampla vel angusta: recta, curva, rotunda, triangularis, quadrangularis: in summa, figura tali, quali vulnerans instrumentum præditum.

VIII. Ἐκκοπή, excisio, sive exectio, in qua portio quædam cranij est excisa, sed nondum penitus ablata. Adhæret igitur sanæ parti, sed elevata.

IX. Ἀποσκαλισμὸς, dedolatio, seu asciatio, nomen ἀπὸ τοῦ σκεπάρις, ab ascia, sive dolabra, qua fabri lignarij utuntur, cum ligna dolant, sortitus. In hac enim fractura specie portio cranij & excisa est, & ablata, non amplius adhæret ossi sano, ut in Ἐκκοπή.

V. Utrum

Utrum detur intemperies aliqua simplex,
frigida maximè & calida?

A Verroës quatuor simplices intemperies repudiavit. Frigida enim sine humida consistere non posse videtur: quoniam frigus concoctiones partium impedit: ijs autem impeditis, proventus excrementorum oboritur, quæ humidam intemperiem pariunt. Caliditas verò siccitatis causa est. Verùm, etsi duæ istæ qualitates activæ diu forsàn solitariae esse nequeant, præsertim si fuerint intensiores: tamen aliquandiu durare posse solitarias experientia probat. Scimus enim, usuque compertum habemus, pulmones, hepar, lienem, renes, viscera quædam alia, in multis esse præcalida, neque tamen siccitate laborare. Novimus, ventriculum, uterum, & intestina, frigida esse quandoque excessivè, & tamen non semper cum humiditate conjuncta. Nam si caliditas consistere potest tam cum siccitate, quam cum humiditate excellenti, quid quæso obstat, quò minùs possit etiam conjungi cum utraque qualitate moderata? Posse autem calorem combinari cum siccitate intensa, febres hæcticae docent. Posse etiam cum humiditate excedente sociari, inflammationes & aqua calefacta ab igne ostendunt. Rursus, si frigiditas stare potest cum humiditate & siccitate exuperante, quidni ergò cum ambabus qualitatibus modicè se habentibus, & in sanitatis adhuc latitudine contentis, cum omnibus in confesso sit, Senes frigidos esse atque ficos?

Utrum intemperies partium similiarium possint reverà pro morbis haberi?

G Alenus agentem defendit, ponitque intemperies in similibus 16. Quatuor simplices sine materia. Quatuor simplices cum materia. Quatuor compositas sine materia. Quatuor compositas cum materia.

Sed

Sed dici forsan posset, intemperies hasce potius morborum causas esse, quàm morbos. Quid enim quaeso calidam invehit intemperiem? quid frigidam? quid humidam? quid siccam? An non excessus caloris, frigoris, humiditatis, & siccitatis? At si qualitates istae causae sunt harum intemperierum, quomodo excessus illarum ipsa intemperies erit? Quod enim causa est, eodem respectu effectus esse nequit. Verùm, facilis est nodi istius solutio. Distinguendum enim inter qualitatem causantem intemperiem, & intemperiem à qualitate causatam. Qualitas calida, frigida, humida, & sicca, sive intus in corpore lateat, sive foris suam habeat existentiam, intemperies nequaquam est, sed causa partibus similaribus intemperiem imprimens. Ipsa verò intemperies effectus illius qualitatis est, & ab illa dependet. Vnde non rectè concluditur, intemperies non morbos, sed morborum causas esse. Sunt quidem ipsae causae lesarum actionum in similaribus, attracticis scil. retentricis, concoctricis, expultricis, & assimilatricis: at ab aliis causis, internis, vel externis, originem trahunt.

VII.

Num simplices existant intemperies, cum, vel sine humoris praesentia?

Dictum fuit supra, Averroëm quatuor simplices intemperies damnasse, hac addita ratione, quòd frigida sine humida, & calida sine sicca esse nequeat. Verùm, quid respondendum, ostensum. Nunc ratio adferenda, cur neque simplices materiales intemperies locum habere possint? Ea autem esse videtur, quòd quilibet humor duabus polleat qualitatibus: sanguis calida & humida: bilis calida & sicca: melancholia frigida & sicca: pituita frigida & humida. Iam quicumque humor simplici intemperiei adstiterit, efficiet, ut intemperies sit composita: idque vi qualitatis geminae, qua est imbutus. Par ratio esse videtur intemperiei, quae dicitur simplex & immaterialis. Nunquam enim simplex, sed perpetuò composita esse videtur. Id quod praeter
ratio-

rationem problem. s. allatam hæc quoq; confirmari potest: quoniam res omnes, siue externæ, siue internæ, quæ nos alterant, non una, sed duabus qualitatibus præditæ sunt: dicunturq; vel calidæ & siccæ: vel calidæ & humide: vel frigidæ & siccæ: vel frigidæ & humide. Ideoque duabus qualitatibus nos alterabunt, & per consequens non simplicem, sed compositam intemperiem introducent.

Sed contra hanc opinionem sic argumentari licet. Si compositum extat, extabit & simplex, quod compositi est principium. Ad juxta istud placitum compositum extat. Ergo & simplex. Ergo simplex datur intemperies, materialis pariter & immaterialis.

Ad rationem verò adductam respondetur, tametsi res nos alterantes non una qualitate donatæ sint, tamen necesse non esse, ut secundum plures qualitates nos alterent, & compositam inducant διατάξιν: duab. de causis. I. quia non ambæ qualitates in qualibet alterante causa ita excellunt, ut secundum utramq; nos afficiant. Potest enim una aliqua qualitas in aliqua causa alterante mediocritatem excedere: altera vero intra limites mediocritatis se continere. Ideoque fieri quoque potest, ut altera intemperiem causet, quæ scil. est intensa: altera verò, quæ remissa, non item. II. si de miscella humorum sermo sit, quæ esse solet in affectibus pluribus, præsertim autem in tumoribus præter naturam, qui dicuntur spurij, deprehendetur, unius humoris qualitatem alterius qualitatem castigare: v. g. frigiditatem caliditatem, aut contrà: & siccitatem humiditatem, aut contrà. Et sic simplex duntaxat materialis intemperies orietur.

VIII.

Nunquid calida & humida concedenda intemperies, quæ morbus similis censeretur debeat?

Hoc negari posse videtur, & negavit etiam Athenæus: ut
B ex

ex Gal. l. 1. de temperam. c. 3 patet. Ratio est ista: quoniam calidum & humidum sunt corporis nostri primordia. Semen quippe & sanguis maternus, ex quib. generamur & constituimur, hisce qualitatibus prædita sunt. II. quia calido vivimus, humido nutrimur. III. quia hæ qualitates Naturæ nostræ amice sunt & familiares. IV. quia Ver ob ambas hasce qualitates ab Hippocrate aphor. 9, sect. 3. dicitur ὑγιεινότερον & ἥκιστα θανάτωνδες, saluberrimum & minimè exitiosum. V. quia homines calidi & humidi temperamenti vivaciores sunt aliis, & longioris ævi.

Respondendum autem est per distinctionem. Nam caliditas & humiditas moderata pro morbo similiari haberi non potest: quoniam tantum abest, ut actiones ledat, ut eas etiam summoperè promoveat. Excessiva verò omninò locum habet inter morbos partium similarium. Prior ergò inest primordiis nostræ generationis, si secundum naturam se habeant: naturæ nostræ est amica: homines reddit vivaces. Veri, sanguini, adeoque calido nostro nativo est concessa. Posterior est pessima. Hinc scribit Galenus l. 8. meth. med. cap. 7. homines calido humidoque temperamento præditos maximè omnium morbis putridis esse obnoxios. Hoc enim etiam per ipsam sanitatē proximè ad putredinem accedere. Conijci istud posse tum ex sudoribus, qui graviter in ejusmodi hominibus olent, tum ex urinis, dejectionibus, & ipsa ἐκπνοῇ, expiratione. Fætere etiam ait, ut hircos: ac propterea promptè admodum quavis ex occasione tum morbis aliis, tum verò & febribus corripiri. Nam qui hac intemperie laborant, cum cutis eorum est stipata, febrim effugere non posse asseverat. Sed nec cum magnam cruditatem contraxerunt, aut perusti fuerunt in Sole, aut tale quippiam aliud passi. Et lib. 1. de temperam. c. 4. prolixè ex multis Hippocratis locis planum facit, quòd calida & humida aëris constitutio, qualis est Austrina, gravium, putridorum, pestilentiumque morborum sit feracissima: idque ex eo confirmat, quòd nihil à sicco, nihil etiam à frigido putrescere soleat.

leat. Declarat hoc exemplo rerum externarum. Etenim, si vel carnes, vel quædam alia, à putredine præservare studemus, ea sale, muria, aceto, aut re alia, quæ siccandi facultate pollet, condire consuevimus. Experimur etiam, Borea spirante, qui ventus est frigidus & siccus, omnia quàm diutissimè à putredine servari immunia: contrà facilimè putrescere statu aëris austrino, qui calidus est & humidus. Atq; hæc causa est, quòd idem ibidem illorum detestetur placitum, qui docuerunt, Ver calidum humidumque esse: & quia tale, etiam secundum Hippocratem optima ratione saluberrimum dici. Hi enim & sensui, & rationi adversantur. Sensui quidem, quoniam is vernum tempus planè temperatum esse percipit. Rationi verò, quia sanitati est accommodatissimum, eò quòd nulla ex quatuor qualitatibus in illo exuperet. Quodsi vel caliditas frigiditatem in eo multum superaret, vel humiditas longè siccitatem excederet, & putredini foret obnoxium, & omnium anni temporum morbis maximè opportunum.

IX.

Deturné intemperies, quæ sit calida & frigida, itemque quæ humida & sicca?

Sunt nonnulli, qui non contenti 16. intemperiebus, quatuor adhuc alias adijciunt, calidam & frigidam, itemque humidam atque siccam, tum immaterialem, tum cum materia, sive humore copulatam. Neq; absurdum esse opinantur, si dicatur, duas contrarias qualitates uni eidemque subjecto inesse. Probant hoc exemplo intemperiei inæqualis, febris hepialæ, in qua corpus uno eodemq; tempore calorem & frigus sentit, febris leipyria, in qua exteriora frigent, interiora uruntur, hydrops, in quo & intemperies non rarò calida siccaque ratione febris observatur, & hydrops causa intemperies frigida & humida.

Verùm, cum contraria pellentis sint natura, in uno subjecto, & eadem illius parte, & uno eodemque tempore, & quidem in

intensis gradibus, esse non possunt. Exempla quod attinet, is hoc solum probatur, quod contrariæ quidem qualitates eidem subjecto generali inesse queant, at speciali non item. Nam in leipyria aliæ partes frigent, aliæ calent. In inæquali dyscrasia hæ partes hæc, illæ alia $\kappa\rho\acute{\alpha}\sigma\epsilon\iota$ sunt affectæ. In hydrope cor aliquando ob putredinem feri calet, pedes autem frigent.

X.

An præter intemperiem alij quoque morbi similaribus insint partibus?

INest is, uti monstratum, continui solutio, de qua tamen hic non amplius queritur. Queritur duntaxat de illis morbis, quos Fernelius & Argenterius similaribus partibus inesse dixerunt. Voluerunt autem, etiam Materiam & Formam morbos esse. Materia morbos vocabant materie immoderationem: Formam morbos dicebant esse totius substantiæ. Videatur Fernelius lib. 1. $\pi\alpha\theta\omicron\lambda\omicron\gamma$. c. 7. & lib. 2. de abdit. rer. caus. cap. 9. 10 11. 12. 13. 14. & 15. nec non Argenterius lib. 1. de morb. gener. cap. 4.

Ponit autem Fernelius materie morbos numero octo: Mollitiem & Duritiem: Laxitatem & Adstrictionem: Tenuitatem & Crassitiem: Raritatem & Densitatem partium: quibus interdum addit $\epsilon\nu\alpha\kappa\omicron\theta\eta\sigma\iota\alpha\nu$, sensus $\alpha\kappa\rho\iota\beta\epsilon\iota\alpha\nu$, & ejusdem stupiditatem, seu ignaviam.

Formæ morbos, quos morbos totius substantiæ appellat, tradit duplices: manifestos & occultos. Manifestos nominat illos, qui manifestis ex causis partium substantiam demoliuntur. Occultos, qui cæcis ex causis totam substantiam oppugnant. Et hos iterum in pestilentes, contagiosos & venenatos dispescit.

Pestilentes & malignos tribuit in graviores & leviores: itemque in insolitos planèque novos, & illos, qui frequenter observantur.

Contagiosos nuncupat, qui externi cujusdam veneni occursu & contagione inferri solent: ut sunt lues Venerea, elephan-

phantiasis, rabies, quæ à cane rabie correpto originem traxit.

Venenatos vocat, qui ex veneno, aut intus genito, aut assumpto nati. Ex illorum albo sunt epilepsia, strangulatus ab utero, quedam syncope & cordis palpitatio. Ex horum familia illi affectus, quos venenum à vegetabilibus, animalibus, aut mineralibus & fossilibus corporibus petitum peperit.

XI.

*Quomodo Fernelius tres morbos similarib.
inesse partibus probet, & quo pacto
illi respondendum?*

A *It, in parte simili spectari tria: Temperamentum, Materiam & Formam. Cum autem horum trium naturalis constitutio sit sanitas, sequitur, uniuscujusque constitutionem præter naturam morbum esse. Tria igitur morborum genera in parte simili inde resultant. Vitium Temperamenti, quod dicitur Intemperies: vitium Materiæ, quod vocatur materiæ immoderatio: & vitium Formæ, quod corruptela formæ nuncupatur.*

Nos Fernelio libenter concedimus, tria parti simili inesse, Temperamentum, Materiam & Formam. Largimur etiam, si homo valere debet, tria ista naturaliter debere esse constituta: sed negamus, quodlibet eorum peculiare pati morbos. Morbi enim subjectum non est neque Forma, neque Materia, neque Temperamentum, sed suppositum, h. e. compositum ex materia & forma, pars scil. vivens, quæ actiones edit, quæ etiam à morbo leduntur.

Insiciamur præterea, sanitatem positam esse in essentiali partium constitutione, quæ ex substantialibus principiis, materia & forma, resultat, sed duntaxat in accidentali: nimirum in evaporatione similarium, legitima compositione dissimilarium, & utrarumque unione, sive continuitate. Hujus namque constitutionis ratione, non illius sanitas & morbus corpori accidere dicuntur. Sunt enim sanitas & morbus accidentia separabilia, & proinde rei

essentia inviolata variè mutari queunt: ipsaque forma hominis substantialis aliàs cum sanitate, aliàs cum morbo conjuncta esse potest.

XII.

An vitia materiæ, quæ Fernelius recenset, novi & peculiare sint morbi, ab ijs, quos Galenus descripsit, planè diversi?

Respondemus, nihil novi adferre Fernelium. Nam quæ vitia materiæ recenset, vel morbi quidem sunt, sed non novi, verùm tales, qui ad intemperiem, aut morbos organicos referri queunt. Vel sunt symptomata: vel cause morborum, aut symptomatum.

Etenim, nimia partium mollities, aut durities ab intemperie profiscuntur: illa ab humida: hæc à sicca. Morbi ergo sunt in intemperie, quando actiones offendunt. Si non offendunt, symptomatibus in genere qualitatum tactilium annumerantur.

Excedens crassities & tenuitas morbi quidem sunt, at non novi, sed organici. Illa enim ad auctam, hæc ad diminutam magnitudinem pertinet.

Laxitas & adstrictio similiter morbi sunt, verùm non novi, sed rursus organici, qui ad laxos adstrictosque partium meatus reducuntur.

Raritas & densitas, perinde ut præcedentia duo vitia, morbi sunt organici, ad immodicè dilatatos, aut constipatos poros atque meatus partium pertinentes.

Possumus etiam dicere, vitia ista causas esse morborum. Nam si v. g. pori cutis ita sint constipati atque occlusi, ut ἀδυναμία illa διαπνοή, & halitusosorum excrementorum, acrium maxime & mordacium, effluxus impediatur, tùm constipatio ista causa esse solet aliorum morborum, v. g. febrium diariarum, quemadmodum Galenus lib. 8. meth. med. cap. 2. docet.

Solet

Solet etiam excitare pruritus, scabiem, horrorem, rigorem &c.
Rursus, si iidem pori nimis pateant, ut frigidus aër facile possit
ingredi, in causa sunt aliorum affectuum: v. g. frigida intempe-
riæ ventriculi, intestinorum, uteri, cerebri, thoracis, ex quo pro
diversitate partium diversi morbi generantur: utpote aepsia,
bradypepsia, tormina ventris, destillationes, tusses, raucedines, co-
rryza, dyspnoea &c.

Denique acrimonia sensus & ἰσχυρὸς virtus potius est
& res naturalissima, quam vitium & affectus præter naturam.
Non enim per se actionem lædit, sed tantum facit, ut, cum par-
ti alicui valde sensibili, v. g. orificio ventriculi, quod καρδία à
veteribus appellatum fuit, res acris & mordax offertur, v. g. ace-
tum, sinapi, piper, zinziber &c. facile molestiam, quam infert,
percipiat, indeque lædatur.

Sensus ignavia morbus non est, sed vel remissio vigoris,
vel, si sit effatu digna, symptoma in genere diminutarum actio-
num.

XIII.

Existantne morbi Formæ?

Fernelius & Argenterius affirmant: nos negamus. Nam
cum forma sit incorporea, per se pati non potest. Sunt quoque
morbi, ut antea dictum, compositorum, non principiorum compo-
nentium. Forma denique corrupta, aut destructa, (quod fieret, si
forma in morbis afficeretur) corpus saluum & integrum manere
non posset.

Quod si tamen non τὸ πρῶτον, quàm ipsa διάφορα conside-
retur, admittere possumus morbos formæ, quos Fernelius & Ar-
genterius morbos totius substantia, alij rectius morbos occulta-
rum qualitatuum nuncupant. Nam tales morbos Galenus quo-
que concedit, siquidem & pestilentialium, & malignorum, &
contagiosorum, & venenatorum morborum, & qualitatuum occul-
tarum sæpius meminerit.

Hos.

Hos ipsos morbos probant deinde etiam causæ, quæ non manifestis & elementaribus, sed occultis qualitatibus in nobis agunt: cujus generis sunt μιάσματα λοιμώδεις, inquinamenta pestifera, ab Hippocrate νοσεράς ἀποκρίσεις, morbida excretiones ἀπορροιαί νοσεράς, morbosa corporum defluvia, appellata: itemque venenata omnia, quæ in vegetabilium, animalium, & fossilium ac mineralium corporum genere latent.

Confirmant illos tertio mirabilia symptomata, quæ in peste, febribus malignis, lue gallica, elephantiasi, strangulatu ab utero, quadam syncope, & cordis palpitatione, ulceribus canerosi & fistulosi &c. sese offerunt, quæ certè ab occultioribus causis, non nudis elementorum qualitatibus proficiscuntur.

Quarto, ipsa quoque curandi ratio eosdem validissime defendit, quæ per alexiteria, alexipharmaca, antidota, seu alexica, & alia, quæ, ut Galenus multis in locis loquitur, ἑλκετὴν τῆς ὁσίας, à totius substantiæ proprietate, operantur, institui consuevit.

XIV.

An putredo partium, spiritus innati dissipatio, & nativi caloris extinctio, morbi sint totius substantiæ?

ITa videtur Fernelio, locis supra citatis, & quidem morbi totius substantiæ manifesti, ab intemperie tamen distincti, eidem esse videntur. Verum morbos non esse, ex sequentibus apparet.

Etenim, putredo facta, consummata atque absoluta morbus dici nequit, sed omnimodus mixti interitus.

Putredo autem fiens, quæ adhuc est in via, ad intemperiem refertur. Prodit enim à calore ambientis, & perit proprius & naturalis mixti calor: ut hujus quidem respectu, quæ putrescunt, fiant frigidiora: ratione autem caliditatis extraneæ & adventitiæ calidiora reddantur. Humidiora item: quia humidum, calore evocato, non amplius regi potest. Evanescit ergo, & quod reliquum est, cinis & terra existit.

Spi-

Spiritus innati dissipatio, per vigilias, inedias, labores, atro-
ces dolores, vacuationes immodicas, sponte, vel arte factas, mor-
bus nequaquam est, sed symptoma in genere excretorum.

Caloris nativi extinctio mors est, vel totius, vel alicujus
partis, minimè morbus.

XV.

Utrum maligna ulcera morbi sint totius
substantiæ?

Affirmantem rursus tuetur Fernelius. Verùm, si per ma-
lignum ulcus, quod aliàs κακὸν ἔλκος vocatur, id intelligit,
quod à maligna venenataque causa prodÿt, qualia sunt venerea,
cancrosa, elephantica &c. sibi ipsi contradicit: eò quòd maligna
ulcera inter morbos totius substantiæ manifestos reponat, lib. 1.
πᾶθος. c. 7. cùm tamen talia ulcera à causa occulta dependeant.
Sin malignum ulcus id esse cum Galeno l. 4. meth. med. c. 5.
statuat, quod omnibus ritè decenterque factis, tamen non sana-
tur, aut difficulter admodum, nec non nisi longo temporis tractu,
ad cicatricem perducitur: idque propterea, quoniam & partis
ulcerata temperies est vitata, & pravi humores aliunde ad il-
lam affluunt, non novum morbum invehit, sed talem, qui possit
ratione ulceris ad continui solutionem, ratione vitiate crassius
ad intemperiem, ratione denique amissæ carnis (cavum enim esse
præsupponitur) ad diminutam magnitudinem referri. Quod si,
ut fieri plerunque solet, ob accursum humorum etiam tumor ad-
sit, tum morbus & in aucta magnitudine adesse perhibetur. Nam
non rarò compositi morbi se offerunt: & vel similes cum simi-
laribus: vel organici cum organicis: vel communes cum commu-
nibus: vel similes cum organicis: vel similes cum com-
munibus: vel omnes simul componuntur: quem-
admodum ex proposito exemplo
perspicuum est.

An Phthisis rectè ab eodem inter morbos totius substantiæ reponatur?

REponit eam Fernelius inter morbos totius substantiæ manifestos. At si manifestas habet causas, ut ipse non diffitetur, utique non novus, sed unus ex vulgaribus erit morbis. Provenit enim vel à salsa capitis destillatione: vel à pure, quod in cavitate thoracis post pleuritidem & peripneumoniam collectum, diutiùsque inibi detentum: vel à suppressione mensium, & hemorrhoidum, quæ in causa est, ut sanguis ad thoracem & pulmones regurgitans vasorum orificia aperiat, aut tunicas illorum disrumpat, & sanguis postea effluat, in pulmonibus colligatur, putrescat, & acrimoniam acquirat, qua tandem tenellam, mollem, raram, laxamque pulmonum substantiam corrodat, & ulcus efficiat: vel à medicamentis, aut alimentis acribus, quæ pulmones exulcerare valent: ut sunt spiritus vitrioli, salis, & nitri, acetum forte, raphanus rusticanus, sinapi, porrum, allium &c. vel à rebus pulmonum vasa rumpentibus: cujus generis sunt ingens vociferatio, violenta spiritus cohibitio, valida tubarum inflatio, tussis ferina, vomitus insigni cum conatu & difficultate factus, saltus vehemens, cursus velox, equitatio dura & valdè corpus concutiens, &c. contudentibus, quæ obtusa sunt, graves & dura, ut ligna, lapides, metalla &c. perforantibus, quæ acuta, ut pugio, hasta, ensis &c. & secantibus.

Causæ igitur sunt manifestæ. Manifestum est ulcus pulmonum, quod species est continui solutionis. Manifesta intemperies, tum in pulmonibus ipsis, tum in corpore reliquo, quoniam semper adest febris. Manifesta est magnitudo totius corporis diminuta, quoniam contabescunt in corpore omnia. Manifesta denique figura partium vitiosa. Temporis enim progressu oculi sunt cavi, tempora apparent collapsa, nasus conspicitur acutus, ungues incurvantur, scapula alarum instar prominent, denique

totum

totum corpus in extremo Φθίσεως gradu quasi vivum aliquod
skeleton refert. Nihil ergò hîc novi.

XVII.

Num continui solutio morbus sit utrisque
partibus, similaribus & dissimilaribus,
communis?

A Verroës contendit, continui solutionem in similaribus dun-
taxat partibus locum habere, in dissimilaribus nequaquam.
Argenterius contrà statuit, eam competere solis dissimilari-
bus, similaribus non item.

Galenus illam utrisque partibus communem vult esse.

Ratio Averrois est, quia in dissimilaribus tantum est conti-
guitas, continuitas nulla. Ideoq; persuasum habet, neque con-
tinui aliquam solutionem dissimilaribus accidere posse.

Ratio Argenterij est, quoniam continui solutio actionem si-
milarium minimè lædit. At de natura & essentia morbi est,
lædere partium actiones.

Ratio Galeni habetur libro de differ. morbor. cap. 4. Si
quid, inquit, commune inest omnibus partibus secundum natu-
ram se habentibus, quod aut usum aliquem, aut actionem ani-
malibus præstet, sequitur, eo vitiato, communem quendam mor-
bum existere. At commune quid omnibus inest partibus, similari-
bus pariter & dissimilaribus, vimirum unitas, seu continuitas.
Ergo in vitata, solutave continuitate communis oboritur mor-
bus, qui dicitur ἐνώσεως, ἢ συνεχείας λύσις.

Atque huic opinioni nos quoque subscribimus.

Ad Averrois autem argumentū respondemus negando, quòd
in dissimilaribus nulla sit continuitas. Omnes enim procul dubio
concedent, venas, nervos, arterias, ureteres, poros cholidochos &c.
partes esse dissimilares, & quidem in prima illarum classe conten-
tas, quæ ex paucissimis compositæ sunt similaribus. Atqui continui
solutionem, h. e. erosionem, ruptionem, contusionem, perforationem,

incisionem, sive sectionem patiuntur. Videmus insuper, venam cavam cum dextra cordis parte, propè auriculam dextram, continuam esse : principium venæ arteriosæ cum cordis basi dextra similiter : itemque principium arteriæ venosæ cum auricula cordis sinistra, & initium arteriæ magnæ cum cordis capite in parte ejus sinistra. Cum corde enim hæc vasa coalverunt. At coalitus species continuitatis est propriissima, teste Aristotele lib. 5. phys. cap. 3. Compertum prætereà habemus, in cæteris partibus dissimilaribus, non tantum ἀφῆν, contactum, sed & σύμφυσιν esse, & partes diversi generis per fibras & membranas coaluisse. Horum enim vinculorum fines unum sunt cum partibus, quas copulabant. Proinde quando σύμφυσις ista in dissimilaribus est soluta, continui facta solutio dicitur. Est enim in hisce partib. & contactus, & coalitus diversarum partium : qui si solvatur ob vinculorum illorum diremptionem, continuitas soluta statuitur.

Ad Argenterij rationem rursus per inficiationem respondemus. Cum enim actiones similarium, maximè attractio, retentio, & expulsio, in plerisque similaribus per fibras obeantur, rationi consonum est, fibris corrosis, dissectis, contusisve, actiones similarium impediri. Quodsi & concoctionem offendi dicamus, haud sanè absurdi quid statuemus. Reliquis enim læsis, neque concoctio suo fungi potest officio.

Huc accedit & ista ratio, quoniam omnes largiuntur, duplicem esse naturalem similarium constitutionem : unam propriam, illarum nimirum ἐννεργασίαν : alteram communem, ἐνωσιν, sive συνέχειαν. Quare, si utraque naturalis est, & utraque ad actiones earum obeundas necessaria, sequitur & δυσκρασίαν, & λύσιν τῆς συνέχειας illarum morbos esse. Illam quidem propriam, hanc verò communem.

Quodsi rationes istæ leviores esse videantur, quàm ut θέσω nostram probent, perpendantur quæso vulnera, ulcera, ruptura, contusiones, species continui solutionis aliæ, & deprehendetur, similes partes per illas haud mediocriter suis in functionibus impe

impediri. Nam cum naturalis similarium partium constitutio inserviat earum actionibus obeundis, sequitur, constitutionem earum præter naturam ipsidem officere. At naturalis harum partium constitutio in *ἑνότητα* & *συνεχεία*, uti dictum, consistit. Proin utraque actionibus earum inserviet: & contraria, h. e. *δυσκρασία* & λύσις τῆς *συνεχείας* ipsidem officiet, & vitiabit.

Si rogetur, quam ob causam *ἑνωσις* & *συνεχεία* similaribus necessaria sit? Respondetur, ut virtutis fieri possit communicatio, tum vitalis, quæ singulis partibus ad vitæ continuationem est necessaria, tum animalis, ut spiritus animalis, qui organum illius est, diffundi disseminarique possit per partes continuatas, quæ vel sensum solum, vel sensum & motum simul habere debent. At ista communicatio præstari non potest, nisi partes sint continuæ. Unitas ergo & continuitas similaribus partibus per se competit: & ob id ~~soluta~~ unitas non minus ipsis necessaria est, ac organis, sive dissimilaribus.

XVIII.

An si dissimilares partes continui patiantur solutionem, eadem quoque affligantur similes, & vice versa?

Cum dissimilares ex similaribus sint composita, fieri vix posse videtur, quin illis solutis, hæ coafficiantur, præsertim cum non tantum sint contigua, verum etiam suo modo, ut præced. problem. dictum, continuæ. Apparet hoc in ulceribus, & vulneribus, in quibus si organum totum sit corrosum, aut dissectum, aut perforatum, aut contusum, aut disruptum, etiam similes partes similiter sunt affectæ. Sunt tamen, qui asseverent, necessarium non esse, ut divisis dissimilaribus etiam similes dividantur. Proferunt enim *ἀποσπασμα*, in quibus similes partes à se invicem separantur, nulla tamen in illis facta unionis solutione.

Utrum verò similaribus solutis, necessario etiam dissimilares continui solutione conficerentur, dubium est. Nam cum hæ ex

illis sint conflata, rationi consonum esse videtur, corrosis, sauciatis, tensis, aut fractis similaribus, etiam dissimilares simili vitio laborare. Verum, res secus se habere videtur. Etenim, fracturae saepe fiunt in cranio, brachio, cubito, manu extrema, crure, tibia, pedeque ultimo, reliquis similaribus organum constituentibus minimè solutis. Item venae, quae similes sunt πρὸς τὴν αἵθησιν, non raro in organicis partibus rumpuntur, & corroduntur, organica parte, quam ingrediuntur, illaesa. Sic membrana viscerum involuentes quandoque unionis sustinent solutionem, visceribus ipsis nihil tale patientibus.

XIX.

An illa duntaxat continui solutio hoc nomen mereatur, quæ evidens est, sensibilis, & manifesta?

EVidentes & sensibiles continui solutiones se offerunt in fracturis, ulceribus, vulneribus, carie &c. Sunt tamen præter illas etiam aliae, quas Galenus comm. 3. in lib. Hipp. de fractur. §. 34. non quidem πρὸς αἵθησιν ἐναργῶς φαινομένας, ἀλλὰ πρὸς γε τὴν ἀλήθειαν αὐτὴν λόγῳ θεωρητὰς, non sensu quidem evidenter sensibiles, sed mente & intellectu aestimabiles appellat. Et tales in intemperiebus dolorosis observantur. Intemperies enim derepentè, subitò & violenter facta διαίρεσιν συνεχείας, divisionem continuitatis inferunt: quæ postea doloris causa est. Tales quoque in tensionibus musculorum, tendinum, ligamentorum & nervorum, tumoribus item præter naturam, qui nondum aperti, fiunt. In colica inquit Galenus l. i. de loc. affect. cap. 2. ita quandoque intestinum colon à flatulento distenditur spiritu, ut perforari videatur: aut, ut alibi loquitur, non secus, ac si palus illi esset infixus. Simili modo in nephritide calculus ureteris capiti insertus vehementissimè illud distendit: quam distensionem, quæ continui solutionis species est, acerbissimus dolor, nephriticus vocatus, sequitur. Sic in arthritide humor ar-

ticu-

iculos implens, ligamenta, tendines, membranas & periostia distendit: distendendo hanc continui solutionis speciem inducit: solvendoq; continuum dolorem creat. In his enim, & similibus affectionum generibus tres semper affectus concurrunt: I. causa distendens. II. continui solutio, quæ species morbi est: III. symptoma, nempe dolor.

XX.

Quo principio & fundamento investigari possit numerus morborum partium dissimilarium?

Hoc fundamento, si cognoverimus, quotnam ad rectam legitimamq; partium organicarum compositionem, h. e. naturalem constitutionem concurrere debeant. Quare, cum organica ex similibus componantur, quò talis compositio fiat, necesse est, ut similes I. sint decenter formatae. II. iusta magnitudine prædictæ. III. convenienti numero comprehensæ. IV. aptè inter se connexæ, aut à se invicem naturaliter sejunctæ. V. loco competentis sitæ. Hoc modo si se habeant, sana sunt, suasque actiones laudabiliter exercent. Sin minus, agrotant, suisque in functionibus impediuntur. Ex quibus consequitur, 4. vel 5. morborum genera esse in partibus instrumentariis: malam conformationem: illegitimum numerum: incongruentem magnitudinem: vitiosum situm: & depravatam connexionem, aut disunctionem partium.

Quodvis autem horum generum suas iterùm sub se species habet, quemadmodum problem. 3. significatum.

XXI.

Num quævis cujuslibet partis vitiata figura morbus sit organicus?

Si actiones lædit, pro morbo agnosci debet. Si minus, & ex morbo nata sit, symptomatis nomen meretur, in genere mutatarum

tarum qualitatatum, quæ visu percipiuntur. Est enim figura unum ex sensilibus communibus, quæ à pluribus sensibus sentiuntur.

Lædit autem ambulandi actionem distorta crurum & tibiarum figura. Apprehensioni officit digitorum figura perversa. Locutionem impedit tortura oris. Symptomata verò sunt acumen nasi, cavitas oculorum, contractio aurium externarum, collapsio temporum.

X XII.

Sintné ipsa figura, numerus, magnitudo & situs partium præternaturalis morbi organici?

Morbus sanitati est contrarius : & propterea in eodem cum sanitate est prædicamento, nimirum in qualitate: non in substantia, non in quantitate, vel continua, vel discreta: non in situ, vel ubi. Proinde neque figura ipsa, neque magnitudo, neque numerus, neque situs ipse morbus est, sed figura, magnitudinis, numeri & situs vitium. Hoc est, ut clariùs mentem nostram aperiamus, non res ipsa, in qua fit mutatio, & à statu naturali recessus, morbus est, verum illa vitiosa διάθεσις, sive qualitas, quæ ex accidentibus modo recensitis, sed vitiatis, resultat, quæq; facit, ut corpus ejusque partes suis in actionibus lædantur.

X XIII.

Utrum ἀναστόμωσις morbus sit organicus in genere vitiatorum meatuum?

Videtur hoc negandum esse, eò quòd ἀναστόμωσις nullam lædat vasorum, arteriarum scil. & venarum, actionem. Actio autem vasorum istorum est ἀνάδοσις, distributio sanguinis, tum vitalis, tum alimentarij: quæ diductis & reclusis eorum osculis minimè impeditur.

Verum, responderi potest duobus modis. I. quia naturale non est, hiare semper vasorum orificia. Aliàs hæmorrhagia fierent perpe-

perpetuò, vel ad exteriora, vel ad interiora: idq; magno cum vitæ periculo. Nam si hanc ob causam sanguis flueret extra corpus per nares, per os, per ductus urinæ, per venas hæmorrhoidales & uterinas, tunc illa sequerentur incommoda, quæ sequi solent immoderatum sanguinis profluvium: nempe caloris nativi diminutio, concoctionis privatio, cruditatis proventus, faciei decoloratio, frigidorum affectuum generatio, virium dejectio &c. Sin flueret ad partes corporis interiores, grumesceret, malignam indueret qualitatem, & gravissima symptomata excitaret: præsertim si se ad cavitatem aliquam insigniorem conferret. Paret etiam inflammationes ijs in partibus, in quarum poros atque meatus angustiores sese insinuaret.

Quod si ἀναστόμωσις naturalis non sit, sequitur, affectum esse præter naturam: & quidem vel symptoma, vel causam morbificam, vel morbum. Symptoma dici nequit, quia neque ad actionem laesam, neque ad qualitates mutatas, neque ad excretionem, aut retentionem referri potest. Causa per se appellari non potest, quoniam propria virtute nullum inducit morbum.

Infertur ergò, morbum esse: non intemperiem, ut notum omnibus: non continui solutionem, quia vasa manent integra, & ipsorum duntaxat orificia diducuntur, & quæ antea connivebant, recluduntur, vel ab externa, vel interna aliqua causa: v. g. sanguinis copia, ejus fervore, aut tenuitate, denique à facultatis retentricis imbecillitate, non potentis sanguinem in vasis retinere, aut clausa eorum oscula servare. Relinquitur ergò, morbum organicum esse in meatibus.

II. Quia tametsi reclusis istis orificiis sanguis effluat, non tamen decens & legitima illius fit distributio. Talis enim fit pellentibus vasis, & attrahentibus partibus famelicis, quib. sanguine opus est ad sui nutritionem. At apertis vasis à causa aliqua præter naturam, effluit quidem sanguis, sed non defertur ad illa loca, quorum interest sanguine potiri.

III. Quia non tantùm ἀνάδοσις, distributio, officium est
D
vaso-

vasorum, sed etiam καθεξις, retentio, sive conservatio sanguinis. Quæ cum per ἀναστροφὴν ledatur, sequitur, eam morbum esse.

XXIV.

Nunquid lumbrici, calculi, grandines in pulmonibus, ungues in oculis, polypi in naribus, suffusiones, acrochordones, melicerides, steatomata, atheromata &c. morbi sint?

Galenus lib. de differ. morb. c. 8. hæc omnia inter morbos in numero abundantè recenset.

Verùm, cum morbus qualitas sit & accidens, lumbrici verò, calculi, grandines, pterygia, polypi, & suffusiones, seu concreti inter pupillam & corneam oculi tunicam humores, sint substantiæ, morborum nomen mereri minimè videntur. Sunt igitur potius quorundam morborum & symptomatum causæ. Nam lumbrici variæ excitare solent symptomata, v. g. convulsiones, tormina ventris, & si fuerint plures, maciem corporis, & intestinorum obstructiones. Calculi renum & vesicæ similiter partes, quib. inhaerent, obstruunt, & atroces causant dolores, illi maxime, qui ureteribus, collo vesicæ, & urithræ sunt infixi. Grandines itidem fistulas pulmonum oppilant, & respirandi invehunt difficultatem, tussim insuper movent, suntque voci impedimento. Ungues in oculis visionem ledunt, & omnimodam cecitatem pariunt, ubi pupillam texerint. Polypus nares obstruit, & respirationi officit. Suffusio visum ledit. Melicerides, atheromata & steatomata ad abscessus toto genere præter naturam, & consequenter ad morbos organicos in aucta magnitudine referuntur. Acrochordones, h. e. verrucæ pensiles, si actionem vel manuum, vel pedum offendant, similiter ad organicos morbos reduci queunt, quia tubercula sunt. Sin actionem non vitient, pro symptomatibus haberi queunt, in genere qualitatum tactilium.

Recténe Galenus ea, quæ in numero abundant,
in res naturales & toto genere præter
naturam dispescat?

Cùm de speciebus morborum in numero Galenus agit l. de
diff. morb. cap. 8. docet, eas esse geminas, quasdam in exce-
dente, nonnullas in deficiente numero. Quæ deficiunt iterùm
duplicia esse scribit: quædam ἐκ τῆς γένεως τῶν κατὰ φύσιν, ex al-
bo eorum, quæ secundum naturam se habent, ut sextum digitum,
tertium testiculum, polypum in naribus, unguem in oculis: quib.
addere licet duplicem, aut triplicem ordinem dentium, dentem
denti adnatum &c. quædam verò ὅλῳ τῷ γένει παρὰ φύσιν εἶναι,
ut lumbricos, calculos, pus, grandines, callos &c. At quod est
morbus & præter naturam, quomodo res naturalis appellari potest?
Respondemus, Galenum res prioris generis naturales nominare,
non simpliciter & absolutè, sed duntaxat comparativè, quatenus
cum rebus secundi generis conferuntur, quæ planè contra natu-
ram sunt, & formæ externæ, & materiæ, ex qua generantur, ra-
tione. Prioris autem generis res similes quodammodò sunt rebus
naturalibus, v. g. polypus carni, unguis membranæ, dentes super-
flui dentibus necessarijs: fiuntque ex ejusmodi materia, quæ vel
planè naturalis est, ut digitorũ & dentium abundantium: vel non
longè à naturali abest: ut est pterygiorum & polyporum materia.

Quæ causarum genera à Medicis in morbis
considerentur?

Notorium est in scholis Medicorum & Philosophorum, qua-
tuor esse causarum genera, Materiam, Formam, Efficientem
& Finem. Quando autem Medici de morborum causis in gene-
re & in specie agunt, de efficientibus solùm sunt solliciti: quem-
admodum ex Galeni libello de morbor. causis liquet.

Materiam ex qua , propriè & physicè dictam , morbi non habent. Est enim illa substantia : morbus verò accidens. At accidens ex substantia minimè generatur. Esset enim quiddam medium inter substantiam & accidens, quod absurdum, & contradictionem implicat. Materiam verò habent in qua , hoc est, subjectum aliquod, quod est pars corporis vivens, eaque vel similis, vel dissimilis.

Forma morbi præditi sunt, quali accidentia alia. Consistit autem illa in natura, essentia & quidditate morbi, tum in genere, tum in specie. Sita est verò formalis morbi ratio in quadam διαθέσει ἢ κατὰσκευῇ præter naturam, à qua actiones partium vel abolentur, vel diminuuntur, vel augentur, vel corrumpuntur & depravantur : cujus omnes morbi sunt participes. In specie tamen quilibet morbus propria & peculiari forma præditus est : aliaque formalis ratio est Intemperiei, alia Compositionis, alia Continui solutionis.

Finem in morbis Medici nullum considerant , quia morbi non boni, sed mali rationem habent. Ajunt tamen quidam, lesionem actionis finem morborum esse. Sed ea effectus potius morborum est, quàm finis. Theologi dicunt, finem morborum, omniumque aliarum calamitatum esse , ut hominum peccata puniantur, & ut ad pœnitentiam, preces, ac vitæ novitatem excitentur : quod libenter admittimus. Superest ergò Causa efficiens, quàm solam in ἀἰτιολογία morborum Medendi artifices perpendunt.

Materiam verò in qua, sive subjectum morborum, explicuit Galenus in libris anatomicis , in quibus de partibus corporis humani differitur.

Formam edocuit libello de differentiis morborum.

Efficientem libello de Causis morborum proposuit.

Effectus libro de symptomatum differentiis eorumque causis declaravit. Fons enim & scaturigo symptomatum secundum Galeni placitum morbus est.

Quæ sit vera & perfecta causarum morbi- ficarum divisio?

HÆc esse videtur. Causa morborum vel sunt evidentes, & manifestæ, quæ sensibus deprehenduntur, sive extra corpus sint, sive in corpore, dummodò ad sui dignotionem nullis signis opus habeant: vel latentes & abditæ, quæ sensibus obvia non sunt: ac proin indicijs egent, ut in notitiam veniant. Rursum evidentes & manifestæ vel non necessariò nos alterant, quoniam illas vitare licet: ut sunt medicamenta, venena, ictus ac morsus animalium, balnea, ea quæ erodunt, quæ secant, quæ pungunt & perforant, quæ contundunt &c. vel necessariò nos afficiunt, quoniam illas declinandi & fugiendi non datur potestas: ut sunt sex res non naturales: ex quib. Aër ambiens, Cibus ac Potus, externæ causæ dicuntur, quia extra nos sunt: Motus verò & Quies, Somnus & Vigilia, Excretio & Retentio, Animi denique pathemata internæ appellari queunt, quòd in nobis ipsis fiant, non extra nos sint positæ.

Latentes & abditæ vel sunt remotæ & mediata, προηγμένα, antecedentes appellata: vel proximæ & immediata: & quidem iterum duplices: συνεκτικά, continentes, quibus positis, morbi ponuntur: quibus ablati, morbi desinunt: quibus auctis, morbi augmentur: quib. diminutis, morbi diminuantur: & ἀνώγει, quæ generis nomine exprimuntur, ac proximæ, ultimæ atque immediata vocantur: ab Aristotele in physicis αἰτία ἀκρότατα, in logicis αἰτία ἀτιώτατα nuncupata.

Graviter proin hallucinantur, qui συνεκτικὴν, conjunctam, proximam & immediatam causam pro una eademque habent. Omnis enim συνεκτικὴ etiam conjuncta est, proxima & immediata: sed non contrà. Ideòque hæc συνεκτικὴ latius patet. Præterea, proxima, ultima & immediata in omnibus morbis locum habet. At συνεκτικὴ nequaquam: sed tantum in illis, qui ἀναλογικῶς

fientes nuncupantur: ut sunt tumores præter naturam, obstructions, febres putridæ, quatenus tales.

Alias causarum divisiones in causas per se & per accidens, in positivas & privativas, in principales & instrumentales, in solitarias & socias, in foventes, sive conservantes & procreantes, &c. consultò nunc silentio involvimus, quoniam sub dictis comprehenduntur.

XXVIII.

An omnis morbus causam habeat proximam?
& num omnis à causa externa, atque interna simul proficiscatur?

Omnis morbus, sicut & quivis alius effectus, causam habet proximam, tanquam principium, à quo immediate dependet. Sed non omnis causam habet externam: neque omnis à causa interna prodit.

Plurimi namque morbi ab externa solum causa originem ducunt: ut vulnera à rebus secantibus, perforantibus, rumpentibus & contudentibus: multa ulcera à rebus foris nos erodentibus: fracturæ à rebus contudentibus & secantibus: pleraque luxationes à rebus rumpendi & contundendi vim habentibus: intemperies tum calidæ, tum frigidæ, quæ ab aëre, nive, glacie, aqua, medicamentis ejusmodi qualitatibus imbutis orta.

Sunt & non pauci morbi, qui ab interna duntaxat causa originem trahunt: ut rupturæ venarum à copia sanguinis: luxationes articulorum à mucosa pituita, quam Hippocrates aphor. 59. sect. 6. *μύξα* appellat: ulcera pulmonum, renum & vesicæ à pure acri, pituita salsa, bile porracea, aut æruginosa: morbi hæreditarij omnes, & sic deinceps.

Si ex abundanti rogetur, an necesse sit, ut in cujuslibet morbi generatione etiam causa remota concurrat? Respondetur, causam proximam & immediatam, inter quam & morbum nulla causa alia intercedit, semper esse necessariam: remotam, inter quam

quam & morbum alia intervenit propior, non semper: cum causa proxima sæpè sat virium habeat, ut sola effectum producat: quemadmodum ex modo dictis liquet.

Hinc tale oboritur *πρόσπωμα*, quod in aliquibus aegritudinibus una solum causa reperiatur: in quibusdam plures, internæ atque externæ: in nonnullis plurimæ, catenatim quasi longaq; serie connexæ.

XXIX.

An præter humores nostri corporis etiam aliæ extent internæ morborum causæ?

FRequentissima quidem morborum causæ internæ sunt humores, quantitate, qualitate & motu peccantes: & quidem non tantum vulgares quatuor, sanguis, bilis utraque & pituita, sed etiam serum: omnes sub plethora & cacochymia comprehensi.

Verum, sunt præter illos & causæ aliæ: v. g. pus, arenula, grandines, calculi, vermes, lac, semen, flatus, peregrina quædam prorsusque extranea corpora, qualia in abscessibus quibusdam, utpote meliceridibus, atheromatibus, steatomatibus, alijs, in quib. continens materia, mel, pulsem, serum, cænum, urinam, ossa, lapides, ungues, pilos representans invenitur: quemadmodum Galenus l. de tum. p. n. cap. 4. & 5. testatur.

Humores autem peccantes aegritudinum esse causas internas, exinde liquet, quoniam ijs presentibus, morbi gignuntur, & evacuatis, morbi tolluntur. Id quod verum esse praxis confirmat quotidiana. Sanguine enim putrido exhausto, abundante diminuto, effervescente & ebulliente alterato, impetuosè vel extra corpus, vel ad aliam corporis partem fluente, ad loca contraria, & illa quidem aut distantiora καὶ ἴξιν revulso, aut ad vicina derivato, aut in medio itineris cursu intercepto, κακочυμία insuper pituitosa, biliosa, melancholica, & serosa expurgata, morbos tum ab hac, tum à πλεθώρα ortos cessare comperimus.

Flatus

Flatus morborum causas esse, ἐμπνευματώσεως uteri, ventriculi, intestinorum, & lienis, tympanites insuper, qui ab Hippocrate aphor. II. sect. 4. hydrops siccus vocatur, & pleuritis flatulenta, quæ spuria, satis superque demonstrant.

Pus creare morbos, empyema pleuritidi succedens indicat. Φθίσιν enim juxta Hippocr. aphor. 25. sect. 5. parit.

Arenulæ, præsertim crassiores copiosioresque, & renes, & ureteres, & vesicæ ostium obstruunt, sicut & calculi, acutosque cruciatus, nec non urinæ suppressionem causant.

Grandines fistulas oppilant pulmonum, & difficultatem respirationis inducunt.

Vermes, si multi sint, intestina obturant, dolores ventris creant, ἀργοφίαν invehunt, subtracto homini alimento.

Lac, si in quantitate excedat, & in qualitate corruptum sit ac vitiatum, & tumores inflammatorios, & abscessus, & ulcera, & dolores atroces mammarum gignit.

Quid semen in mulieribus efficiat, si sit diutiùs retentum, & ex diuturniore mora in vasis suis, præsertim in juvenculis & viduis, depravatum, Galenus lib. 6. de loc. affect. c. 5. docet: gravissimum scil. illum horrorisque plenissimum affectum, strangulatum ab utero, quo quæ correptæ sunt, mortuis similes, sine pulsu, sine respiratione, omni sensu, motu, memoria, ratione, & phantasia privata, toto corpore refrigerata, jacent.

XXX.

Quis affectus pro morbo in deficiente numero, quis pro morbo in diminuta magnitudine habendus?

AD hoc problema responderi potest ex Galeni lib. de differ. morb. c. 8. Nam si pars aliqua tota, v. g. brachium, manus, digitus, auris &c. desideretur: idque vel naturâ, in prima formatione, quæ fit in utero, ob defectum materiae, vel extra uterum, casu quodam, aut necessaria aliqua χεῖρσπυρία, cum scil.

mem-

membrum aliquod amputandum, morbus est in deficiente numero. Sin portio duntaxat aliqua alicujus membri desit, morbus in diminuta magnitudine statui debet. Ubi tamen observandum ex eodem Galeno, quòd morbus in magnitudine deficiente ad illam partem, quæ remanet ac servatur, non ad eam, quæ ablata, referri debeat. Id quod Galenus ibidem exemplo lingue ex dimidio abscissa, ablatae portionis pudendorum, aliarumque partium declarat. Nam quod ablatum est, morbo non laborat, quoniam actiones nullas edit, quæ ledi à morbo possent. AEGrum autem est membrum mutilatum, suaque in actione impeditur.

XXXI.

Sintné ἐπιγένημα, συμβεβηκός & σύμπτωμα
unum & idem?

Certum est, vocabula ista sæpiùs pro una eademque re usurpari. Sed reverà unum idemque non sunt. Nam ἐπιγένημα propriè is dicitur affectus, qui supernascitur, subsequitur, supervenit, & alijs alicui affectui accedit, sive symptomata sit, sive morbus: de qua significatione maxime illustria extant exempla in aphorismis, prognosticis, prorrheticis, & Coacis prædictionibus Hippocratis: descenditque à verbo ἐπιγίγνεσθαι, ἢ ἐπιγίνεσθαι, quod supernasci, postnasci, succedere & subsequi sonat.

Συμβεβηκός accidens est quodcunque, tam in sanis, quàm in agris conspicuum: originem trahens à verbo συμβαίνειν, quod evenire, accidere & contingere significat.

Σύμπτωμα à verbo συμπίπτειν derivatur, quod est coincidere: habetque significationem duplicem, generalem & specialem. In genere sumitur pro quovis affectu præter naturam, sive morbus sit, sive morbi causa, sive symptoma propriè dictum. In specie verò id solùm denotat, quicquid præter naturam accidit, exceptis morbis & eorum causis: authore Galeno l. de symptom. differ. c. 2. Hac in significatione tria juxta ejusdem placitum

sunt summa genera : Actio læsa : Affectus corporis simplex, sive mutata qualitas : & Excretio atque Retentio.

Ex *μικροτέχνης* tamen cap. 8. constat, vocem *συμπτώματα* usurpari quoque pro quibuslibet accidentibus, quæ etiam in sanis, imò optimè constitutis corporibus visuntur. Ait enim Galenus, *διαγνώσεις* optimæ constitutionis corporis sumendas esse ab essentialiter inherantibus, & ab illis *ἐνεργείαις* & *συμπτώμασι*, illis actionibus & symptomatibus, quæ essentialiter inherentia necessario consequuntur; quæ *συμπτώματα* aliàs etiam *συμβεβηκότα* appellari solent.

XXXII.

Quomodo Morbus, Causa morbi, & Symptoma inter se conveniant & differant?

Conveniunt I. genere, quia sunt species affectus præter naturam. II. subiecto, quoniam in agris duntaxat corporibus inveniuntur. III. quia tollenda sunt, cum sint præter naturam: & quidem in ordinaria & methodica cura primùm causa, deinde morbus: quibus sublati, symptomata ultrò evanescunt. Si tamen vehementer urgeant, & vel vires nimio perè debilitent: vel morbum foveant: vel novum morbum inducant, tùm & ipsa peculiarem ablationem requirunt: non quæ symptomata sunt, sed quatenus causa rationem induerunt: veluti Galenus l. 12. meth. med. c. 1. præclarè monet.

Differunt autem, quia Morbus est illa *διάθεσις*, sive *κατασκευὴ παρὰ φύσιν*, ὑφ' ἧς *ἐνέργεια βλάβηται* πρώτως, dispositio, sive constitutio præter naturam, à qua actio primùm, seu immediate leditur.

Causa is est affectus, qui actionem ledit mediante morbo. Symptoma ille affectus est, qui morbo supervenit, eumque sequitur, sicut umbra corpus, teste Gal. l. de differ. sympt. cap. 1. Seu, ut alij definiunt, symptoma est, quicquid in corpore præter naturam se habet, exceptis morbis ac causis.

An sola actionum offensa propriè symptoma sit?

Persuasum est quibusdam, solam actionum læsionem propriè sibi symptomatis nomen vindicare: utunturque hac ratione, quoniam ea propriè censenda sunt symptomata, quæ morbum immediatè, & ita quidem, ut umbra corpus, sequuntur.

Iam cum hoc soli actionum læsioni competat, reliquis autem, quæ symptomata communiter solum statuuntur, mutatis scil. qualitatibus, & excretionibus atque retentionibus, nequaquam tribui possit, concludunt, solas functionum læsiones propriè symptomata esse: mutatas verò qualitates & excretiones atque retentiones, sive suppressiones, symptomata duntaxat ἀνόγως appellari, & symptomata esse spuria atque illegitima.

Nostra sententia est, symptoma genus esse univocum, non ἀνάλογον: non prædicari de actionum offensa πρῶτως & magis, de mutatis qualitatibus δευτέρως & minus, sed ἐπίσης, equaliter.

Concedimus interim, actionum læsionem principem locum inter symptomata obtinere, & nullum esse morbum, quem illa non sequatur. Quæ forsàn causa est, quòd ejus solius in morbi definitione à Galeno mentio facta sit.

Verùm, cum morbus omnium in universum symptomatum scaturigo sit, infertur, mutatas qualitates & excretionem atque suppressionem etiam à morbo dependere: cumque res sint præter naturam, quia solum in ægotantibus corporibus inveniuntur, concluditur, æquè symptomata esse, ac actionis læsionem. Nam si symptomata non sunt, quid sint, dici nequit. Neque enim ad morbos, neque ad causas morborum referri queunt.

An morbi alios morbos consequentes sint symptomata?

Consequentes morbi illi dicuntur, quorum prior posterioris est causa. Id quod bifariam fieri Fernelius lib. 1. παθολογ. c. 10. scribit : aliàs ex ipsa morbi natura : quemadmodum pleuritidem consequitur febris, sicut & aliarum partium inflammationes, atque erysipelata : aliàs ex partium conditione, quarum una cum altera affectum communicat : idque aut propter generis societatem, aut propter vicinitatem, aut propter communio- nem vasorum, aut propter situs rationem, cum scil. altera alteri est supposita, ut vesica renibus, pulmo, ventriculus, uterus &c. capiti : aut propter robur & nobilitatem unius, & infirmitatem, vel ignobilitatem alterius. Illa enim in hanc se exonerare so- let.

Iam si affectus consequens, tanquam prioris effectus, verè ac propriè morbus est, verè ac propriè symptoma dici nequit, quoniam, quatenus morbus, ad nullum symptomatis genus referri potest.

XXXV.

Denturne etiam actiones supra modum
auctæ ?

Galenus libro de symptom. diff. actiones tantum triplici- ter ledi docet. Ait enim, eas vel aboleri, cum scil. planè desinunt : vel imminui, cum debiliter & imperfectè obeuntur : vel depravari, cum fiunt vitiosè, aliter nimirum, quàm secun- dum naturam fieri deberent.

Hisce Argenterius addit auctas, imò & tristes atque volu- ptuosas.

Auctas quod attinet, arbitramur, eas repudiandas non esse. Tales enim observamus in bulimia, canina appetentia, magna, crebra velocique tum respiratione, tum pulsu, palpitatione cor- dis, diuturnis vigilis, siti inexhausta & insatiabili, cholera mor- bo, diabete, qui est immoderatum urinae profluvium, alijsque actionibus, quæ sunt validiores, majores, diuturniores, frequen-
tiores,

iores, celeriores, continuæ, aut ratione alia mediocritatem excedunt.

Non enim ad abolitas & diminutas revocari possunt actiones, ut omnibus est in confesso. Nec depravata appellari queunt, duab. de causis: I. quia in ejusmodi actionibus nulla apparet hallucinatio, sed solummodò excessus quidam in quantitate & tempore. II. quia aucta actio evanescit, opponitur diminuta. Ideoque erit cum illa in eodem genere. Cumque actio diminuta ad depravatam referri non possit, sequitur, neque auctam sub illa contineri. Aliàs contraria essent sub diversis generibus, quod falsum.

Tristes actiones quod attinet, sunt illæ dolorosæ. At dolor ad depravatas actiones in tactu pertinet. Nam quamvis objectum dolorificum sub sua specie in dolore percipiatur, tamen quia id fit cum molestia, & quia organum malè affectum est, ideo actio depravata judicatur.

Actiones, quæ cum voluptate exercentur, haud videntur symptomata esse, quoniam præter naturam non sunt. Tantum enim abest, ut res voluptuosa naturam afficiat, ut etiam illi sit grata atque jucunda. Sic picta prata, culti horti, virides cæruleique colores cum voluptate quadam ^{sentiuntur} videntur ab oculis. Dulcisonæ hominum & avicularum voces ab auribus. Fragrantes odores ab olfactus organo. Suaves saporès à lingua. Temperatè calida & frigida ab instrumento tactus, quod membrana à plerisque statuitur.

P R A E S E S
Præstantissimo Domino Respondenti
Ὁ ΥΨΙΣΤΗΣ.

Curare agros, & conservare valentes,
Præservare illos, qui sunt in limine morbi,

*Instaurare bono vita moderamine qui iam
Convaluère, isthac Medici sunt munera fidi.*

*Rariùs ast Medicus conservat: rariùs idem
Præservat: rarò instaurat: quia millia multa
Sunt hominum, parvi faciunt qui dona salubris
Corporis. Ingluvies causa est, & copia Bacchi.
Propterea Medicus curat quoque crebriùs egros.
Omnes namque student morbos depellere: pauci
Sese conservare & præservare laborant.*

*Ergò, quisquis avet morbos curare, necesse est.
Cognoscat morbos, causasque inquirat eorum.
Ignoti siquidem nulla est curatio morbi:
Morbus adest etiam, donec sit causa remota:*

*Quare, cum cupias curare fideliter egros,
Morbos & causas meritò cognoscere eorum
Conaris vigili studio multoque labore.
Nec tantum novisse juvat generalia, quæ nunc
Defendenda ultrò cum applausu suscipis in te,
Sed quoque privatim specialia dogmata tractas.*

*Permuli secreta crepant: at nôsse scienter
Quæ pars agrotet, quod sit morbi genus, atque
Quæ sit causa, velut morbi primaria origo.
Hæc sunt artificum secreta superba medendi:
Hæc & dogmaticos à vanis optimè agyrtis
Secernunt: Medicis hæc præbent nobile nomen.*

S*Pes Patris Patriæque magna nostræ,
Vidholzi, melius reducet ævum.
Pax quæ mortua serius revixit.
Posthac classica longiùs canentur,
Nec tot funera concident ab ense,
Nativo Boreas gelu rigebit,
Nec flammis velut antè nos peruret.
Sic gaudebimus exiisse mortem?
Vana heu! gaudia sunt. Vbique mors est,*

*Quam circumferimus. Fovemus intus
Morborum varias gravesque causas,
Nobiscum genitis malis perimus.
An sperabimus illa posse tolli?
Tu fontes aperis, doces medelam,
Iam confidimus illa posse tolli.
Et famam Patris olim ut assequeris
Tunc gaudebimus, ipsa mors fatiscet.*

Honoris ergò

F.

Georgius Hieronymus Welsch.

F I N I S.